

*1. وزیر اعظم نریندر مودی نے لوکاں ور آئندہ تہواراں غا موسم غے دوران مُلک مانہہ تیار کی گئیں مصنوعات غا استعمال ور زور پایو، تانجے نوجوان کاروباریاں غا خواباں نانہہ پر لگ سکیں۔

*2. مَن کی بات پروگرام مانہہ اپنا خیالات سانجا کرتاں واں وزیر اعظم نے لوکاں نانہہ اپیل کی ہے جے گاندھی جینتی غا موقع ور کھادی مصنوعات غو استعمال کریں۔

*3. لیفٹنٹ گورنر منوج سنہا نے کٹڑھ مانہہ سیوا پرو غے تحت شروع کی گئی سوچھتا مہم مانہہ شرکت کی ہے ۔

*4. اج شام دُہنی مانہہ ایشیا کپ غا فائنل مانہہ بھارت غو مقابلو اپنا روانتی حریف پاکستان سنگ بو رہیو ہے ۔

خبراں غی تفصیل نال پہلاں با غ علی طاہر۔

PM MKB

وزیر اعظم نریندر مودی نے آج لوکاں ور زور پایو ہے جے وے آئندہ تہواراں غا موسم غے دوران " ووکل فار لوکل" نانہہ نعرو بناتاں واں تیار کی گئیں چیزاں غو استعمال کریں .آکاشوانی ور " مَن کی بات" پروگرام مانہہ اپنا خیالات سانجھا کرتاں واں جناب مودی نے کہیو جے آئندہ دِناں غے دوران اک توں بعد دوجو تہوار آرہیو ہے، نالے جی ایس ٹی بچت اُتسو وی جاری ہے ۔ اُنہاں نے لوکاں ور زور پایو جے وے مُلک مانہہ بنی چیز خریدن غو عہد کریں ۔ وزیر اعظم نے کہیو۔۔ بانٹ۔ گاندھی جینتی آئندہ 2 اکتوبر نانہہ منائی جا رہی ہے ۔ وزیر اعظم گو کہنو تھو جے مہاتمہ گاندھی نے ہمیشہ مُلکی تے کھادی غی مصنوعات نانہہ ترجیح دتی ہے ۔ جناب مودی نے آئندہ 2 اکتوبر نانہہ ہر کسے ور کھادی غی بنی وی چیزاں نانہہ خریدن تے بیش ٹیگ ووکل فار لوکل سنگ سماجی میڈیا ور شیر کرن ور زور پایو۔ وزیر اعظم نے نویکا ساگر پری کراما مشن غے تحت 8 مہیناں توڑی سمندر غے اندر رہن آلیں بھا رتی بحریہ غی 2 بہادر افسراں غی بہادری غو وی ذکر کیو ۔ لیفٹنٹ کمانڈر دلنا تے لیفٹنٹ کمانڈر رُپا پہلی بھارتی، پہلی ایشیائی تے دُنیا غی ایسی پہلی شخص بن گئی ہیں جہیڑی سمندری سفر غے ذریعے اِس مقام ور پُچی ہیں ۔ وزیر اعظم نے اُن غی ہمت ، محنت تے کامیابی نانہہ نوجواناں تے خاص کر لڑکیاں واسطے حوصلہ افزا قرار دتو۔ وزیر اعظم غو کہنو تھو جے چھٹ پوجا ہُن اک عالمی تہوار مانہہ بدل رہیو ہے ۔ اُنہاں نے دسیو جے سرکار چھٹ مہا پرو نانہہ یو نیسکو غی غیر مادی، ثقافتی تے ورانٹی فہرست مانہہ شامل کرایا جان غی کوشش کر رہی ہے۔ اُنہاں نے کہیو۔۔ بانٹ۔۔ جناب مودی نے کہیو جے آج غی مَن کی بات پروگرام غو یوہ 126 ووں شمارو خصوصی اہمیت رکھے۔ کیونجے آج مُجاہد آزادی سردار بھگت سنگھ تے گلوکارہ لُتا منگیشکر غو جنم تہاڑو وی ہے ۔ اُنہاں نے کہیو۔۔ بانٹ۔۔ وزیر اعظم نے ہتھ کھڈی تے دستکاری سیکٹر مانہہ ہوائی نمایاں تبدیلیاں ور وی خوشی ظاہر کی ہے ۔ جناب

مودی نے جھارکھنڈ کا آشیش ستیا ورت ساہو گو وی ذکر کیو، جنہاں نے قبائلی بُنکری، تے کپڑاں نانہ عالمی سطح ور جو ہر گرام برینڈ غے ذریعے متعارف کرایو ہے۔ وزیر اعظم آئندہ دناں غے دوران ملک مانہ وجے دشمنی منایا جان ور وی لوہ پائی۔ اُن غو کہنو تھو جے دجے دشمنی اک ہور وجہ سنگ وی خصوصی اہمیت رکھے، کیونجے اس روز راشٹریہ سوئم سیوک سنگ غو 100 ووں یوم تاسیس وی ہے۔ اس بارے گل کرتاں واں وزیر اعظم نے کہیو۔۔ بانٹ۔۔

مزید خبراں نال عبدالمجید ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری موبائل ایپ تے ڈی ٹی ایچ ور وی دستیاب ہیں

LG Seva Parv

لیفٹنٹ گورنر منوج سنہا نے اج کٹڑھ مانہ سیوا پرو مہم غے تحت سوچھتا ابھیان مانہ حصو لیو۔ یاد رہ جے کٹڑھ شری ماتا ویشنو دیوی شرائین غی پوتر گفہ غو بنیا دی کیمپ ہے۔ اس موقع ور ایل جی، شرائین بورڈ کا اعلیٰ عہدیداراں، رضاکاراں تے عقیدت منداں نے اپنا نانہ صفائی، بے لوٹ خدمت، سماج غی بھلائی تے سماجی ہم آہنگی کا نظریات واسطے وقف کرن غو عہد لیو۔ اجتماع ی حلف معاشرہ غی بہتری واسطے کم کرن غی مشترکہ ذمہ داری غی علامت ہے۔ ات اپنا خطاب مانہ ایل جی سنہا نے کہیو جے سیوا پرو اجتماع ی ذمہ داری کا جذبہ نانہ اُبھارے۔ اُنہاں نے کہیو۔۔ بانٹ۔۔

Seva Parv

ملک پھر مانہ منایا جا رہیا سیوا پرو پہل غے تحت اج دسیو گیو ہے جے کس طرح مودی حکومت نے پر دھان منتری جن دھن یوجنا غے ذریعے مالی شمولیت نانہ آگے بدھایو ہے۔ 2014 مانہ شروع کی گئی یاہ اسکیم اس شعبہ مانہ دنیا کا سب تیں بڑا اقدامات بچوں اک قدم غے طور ور اُبھری ہے۔ اس اسکیم کول اس وقت 56 کروڑ خاطر ہیں۔ جن وچوں 67 فیصدی دیہی تے نیم شہری علاقہ مانہ تے 56 فیصدی خاطر خواتین کول ہیں۔ پی ایم جے ڈی وائی نے براہ راست فائدہ غی منتقلی غی بنیا رکھی ہے تے اس سلسلہ مانہ 3.5 لکھ کروڑ روپیاں غی بچت کی ہے۔ یاہ شہریاں نانہ بالاختیار بنان تے بھارت پھر مانہ جامع ڈیجیٹل تے مساوی ترقی نانہ آگے بدھا رہی ہے۔ اپنا تجربات سانجھا کرتاں واں پر دھان منتری " جن دھن یوجنا تیں مستفیدان نے اس طرح کہیو۔۔ بانٹ۔۔

Prog Announcement

گذشتہ 15 ستمبر تیں سیوا پرو 2025 منایا جان کا سلسلہ مانہ ریجنل نیوز یونٹ آکاشوانی جموں پہلک یعنی 29 ستمبر دوپہر 12 بجے جموں ڈویژن مانہ دفعہ 370 تے 35 اے غی منسوخی غے بعد جموں ڈویژن مانہ صحت، ڈھانچہ تے خدمات مانہ آئی تبدیلی کا عنوان ور اک

پروگرام نشر کرے گو۔ اس خصوصی پروگرام مانہ ہڈیاں غی بیماریاں غا شعبہ نا رائنا سپر سیشلٹی ہسپتال کٹڑھ غا سینئر کنسلٹنٹ ڈاکٹر وکاس پادھا مہمان غا طور ور مدعو کیا گیا ہیں، جد کہ میزبانی غا فرانس مہارا اینکر شروتی کھجوریہ تے تے کُنا شری وٹس انجام دیں گا۔ پروگرام غے دوران ڈاکٹر وکاس پادھا عنوان ور اپنی ماہرانہ رائے غو اظہار کریں گا۔

.....

Asia Cup Cricket

دُبنی مانہ ایشیا کپ کرکٹ غا فائنل یعنی آخری مقابلہ مانہ اج شام بھارت غی کرکٹ ٹیم اپنا روائتی حریف پاکستان نال کھیڈے گی۔ یوہ میچ بھارتی وقت غے مطابق رات 8 بجے شروع وے گو۔ ایشیا کپ غی تاریخ مانہ 17 ایڈیشن تے 41 بہراں مانہ بھارت تے پاکستان غی ٹیم پہلی بار ایشیا کپ غو حتمی مقابلو کھیڈیں گی۔

.....

SWD Ramban

کالسریاں غی باختیاری تے "بیٹی بچائو بیٹی پڑھانو" مہم غا اک حصہ غے طور ور سماجی بہبود محکمہ رام بن نے مشن شکتی سنکپ غے تحت ضلع رام بن مانہ اک بھالئی بہتری غا پروگرام غو انعقاد کیو۔ اس دوران سیوا پرو مشن سوشل ویلفئر ڈیپارٹمنٹ نے مرکزی سرکار غی بکھ بکھ اسکیمیں بارے لوکاں نانہ جانکاری دین واسطے بکھ بکھ کیمپ لایا۔ پروگرام مانہ صحت، صفائی ستھرائی، پائیداری تے مجموعی ذمہ داری نانہ فروغ دین ور توجہ مرکوز رہی۔ اس اقدام مانہ اساتذہ، طلبائے عام لوکاں نے شرکت کی۔ آکاشوانی نیوز نال گل کرتاں واں ضلع سوشل ویلفئر افسر رام بن طارق قاضی نے کہیو۔ بانٹ۔

.....